



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 61. Calvini secta sensim in Galliis invalescens.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

nique Genuam proponerent, Summo Pontifici significabatur, quod Societatis Patres Roma emigrare, suumque conventum extra Italiam celebrare molerentur, ut a Pontificis præsentia magis remoti ejus auctoritatem, judiciumque declinare possent: id vero eorum rebus plurimum nocere, exponebatur Pontifici, eo quod lucem fugere viderentur. Re comperta Papa omnium Jesuitarum, qui Romæ agebant, indicem sibi tradi, eorumque nomina, cognomina, ac patriam indicari postulat, præcipiens, ne illorum quispiam absque singulari venia urbe excederet: id etiam effectui datum est.

## §. LXI.

*Calvini secta sensim in Galliis invalescens.*

Quamvis Hæretici in Galliis severe castigarentur, atque eorum plures rogi etiam supplicio affecti perirent, nihilominus Calvini secta in quibusdam locis altiores radices agere cœperat: quippe Nobilis quidam nomine Ferrierus patria Cenomanensis hæreticos pro sumenda eorum Cœna, precibusque fundendis ad ædes suas clam recipiebat: postea vero Parisiis auffugere compellebatur, cum autem ejus uxor filium eniteretur, ipse palam declarabat,

Sæc. XVI.  
A.C. 1556.

Beza hist.  
Ecl. l. i. p. 98  
89. ann.  
1555.



Sæcul. XVI. A. C. 1556. rabat, quod puerum sacro fonte juxta Ecclesiæ Romanæ superstitiones tingi nollet, veritus, ne infans inde pollutus reverteretur: nec tamen etiam filium suum Genevam mittere voluit, ne forte is in itinere absque Baptismo decederet: quapropter Senatum non nisi ex laicis conflatum convocabat, atque ab eo petebat, ut ex suis quemdam seligerent Ministrum, qui infantem aqua salutaris ablueret. Senatus, quamvis mere profanus esset, post crebras altercationes tandem ad ejusmodi electionem procedebat, simulque designabat Joannem Masson, seu Muratorium nonnisi viginti duorum annorum juvenem, qui vulgo Riviera dictus Patris sui Regii Andegavensis Procuratoris indignationem incurrerat. Hunc igitur Senatores Episcoporum munia sibi ausu vere sacrilego attribuentes Ministrum creabant, eisdemque Verbum Dei, ac Sacramenta administrandi potestatem conferebant, quin tamen eo adhuc tempore manuum impositionem adhibere præsumerent. Hæc fuere incunabula primæ Ecclesiæ, quam Calvinii Sectatores in Galliis erexerant, ibidemque pauca quædam, ut inquit Beza, disponebantur, prout Ecclesiæ vix natæ auspicia tum permittere videbantur; nam Magistratus, quem Consistorium vocant, Genevensi

haud



haud absimilis, atque ex Diaconis, Superintendentibus, & Senioribus conflatus Anno millesimo quingentesimo quinquagesimo quinto instituebatur.

## §. LXII.

*Hujus Hæresarchæ doctrina Aureliæ stabilita.*

Anno sequenti millesimo quingentesimo quinquagesimo sexto plures aliæ Societates, seu ejusmodi Ecclesiæ erigebantur, ex quibus celebrior erat Aurelianensis, cujus origo adscribitur cuidam juveni nomine Columbano, qui Parisiis confecto studiorum curriculo vehementer sollicitabatur, ut Aureliæ, quamprimum eo venisset, ejusmodi Ecclesiam fundare aggrederetur: Itaque Columbanus accepto negotio laboris sui socios sibi selegerat quemdam Lanificem nomine Franciscum de la Fie, necnon Joannem Chemetum lanæ Carni- natorem, sexque alios ejusdem furfuris homines. Hi Parisios quemdam ablegabant, petentes, ut ipsis Ambrosius Ballerus tanquam Præco submitteretur; cum autem hic solus novum gregem numero indies crescentem pascere haud posset, hinc datis Genevam ad Calvinum literis quosdam laboris socios ab eo petebat, a quo etiam duo alii mittebantur, atque inter eos Hieronymus Bolse-

*Beza l. 2. p.*

*III. item in*

*vita Calvini*

*ad ann. 1555.*